

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historiae ecclesiasticae saeculi ... XVI supplementum**

**Fecht, Johann**

**Francofurti et Spirae, 1684**

**VD17 VD17 3:315948Z**

XCVIII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

commendo de meliori nota, est enim pius & doctus & modestus. Iterum vale. S. Collegium tu meo nomine reverenter salutabis.

Raptim Ellingæ, prid. Cal. Aprilis, 1572, Filii tui rectissimè valent. Mea tuam uxorem reverenter salutat

*Tuus ex animo frater*

Jacobus Andreæ, D.

XCVIII.

*Salutem in Servatore Jesu.*

EXISTIMO te prius has accepturum, quam superiores meas, octavo Calend. scriptas, quas ei tabellario commisi, qui postremas à M. Philippo attulit, homini, ut audio, apud suos obærato; ut video tardo cessatori, quocunque solet pervenire. Et cætera quidem ita se habent, ut intellexisti & intelliges, sed Nestorianum negotium DEI Opt. Max. providentia nihil amplius nociturum videtur, vel nobis vel Ecclesiæ; non quod confectum jam sit: qui enim posset tam brevi tempore, tanta illorum exacerbatione? sed quod initium cognitionis à Magistratu institutæ lætum fuerit, & quid de tota actione sperari possit, ostenderit. Vide autem mihi execrandam istorum hominum astutiam, in quâ tamen mirabiliter confusi sunt. Progressiones solennes in-consulto Decano rejecerant in diem Mercurii, ut ei quicquam agendi, quod ex officio debet, potestatem eriperent. Nam in examine ita eum exceperant, ut sperarent, eum progressionibus minimè interfuturum. Sed ne requiri posset præsentia ejus, aut ut quare abfuisset, multi minus mirarentur, voluerunt Concionem etiam illam ab eo ad Dn. Fabrum transferre, eamque ob causam progressionem ipsas prorogarunt. At! verò præter existimationem ipsorum accidit, ut delecti à Decano non plus stipularentur, quàm ut causæ cognitionem toti Magistratui permitterent, fore, ut religione, qualis nunc illa in Schola & Ecclesia doceatur, incolumi, res ex æquo & bono ita componatur, ut neutri fraudi futura sit. Quod cum ille non gravatim approbasset, modo prius audiretur, petiit ab eo est, ut quæ in Academiâ sui sint muneris, ipse profequatur, quæ ad Rectorem pertineant, ei permittat, quæ communia sint, ea communiter ambo obeant, neque congressus mutuos devitent. In eandem sententiam cum St. actum est, quid responderit, ignorat Herus. Sed ejus æquitate & facilitate Delectos delectatos fuisse constat. Si ergo idem ille respondit, non dubium, quin jam magno præjudicio damnatus sit, qui

Ggg 2

cum

cum Decano in uni Ovili cogetur subsistere. Si aliter, putasne Magistratum eam contumaciam approbaturum! Hæc me confirmant, ut bene sperare incipiam. Sed & deinceps in agendo prudentiâ opus erit, quam præstabit Herus, & divini auxilii invocatione, quam ego cum tuis & fratris voris conjungam. Hæc hætenus. De rebus cæteris nihil vehementer occurrebat, & sciebam, te jam disputatione occupatum. Itaque vale cum fratre M. Philippo in DOMINO. Argentorato, Cal. April. 1572. Doct. Giphanius, & item P. nerus, heri uterque salutem vobis mandavit. Uterque integrum se præstat, & qualem optamus.

Tuus totus

Johannes Pappus.



XCIX.

**S** Credo sanè, vir ornatissime, nonnulla exorta esse molimina, in quibus deprimendis negotium tibi aliisque futurum sit. Solent enim insignium virorum occasus mutationem secum adferre: Sed ita probat exercere nos Dominus, nec vacationem à militia nobis concedit Imperator noster, quos semel in stationem suam ad excubias pro lege pro grege collocavit. Sed bene habet, est idem, ut inquit, Cyprianus, non solum spectator nostrorum certaminum, sed auditor fortis in tempore opportuno. Nec concedet, ut spes impiorum ratae sint, qui ex cineribus etiam novos in defunctorum vicem patrones excitare possent. Argumento autem est, nondum collapsum esse statum, quod à gubernatione Scholæ Amplissimus Senatus te remotum noluerit, etiamsi nec Alterum depulsum. Nec dubito, quin pro tua pietate, quantum in te est, pacem sis sectaturus etiam erga eos, qui oderunt pacem, & provisorius simul, ne quid detrimenti capiat sancta Respub. Academica: maxime cum Dominus valetudinem paulò commodiorem largitus sit, quam ut Dominus esse firmam ac diurnam velit, non desinam præcari. Quod Milheimium attinet laborantem, debemus certè omnes vota nuncupare serâ & ardentia, ut Ecclesiæ suæ misertus Dominus præclarum organum conservet, ne habeamus dolorem supra dolorem. Novi apud nos nunc quidem nihil est magnopere, ego tussi ex destillatione in thoracem admodum gravi concutior & labefactor, accedente, ut fit, horribilatione febrili & capitis dolore, sic tamen hæc temperantur benigna Domini manu, ut hætenus munus meum nec conglionando, nec profitendo intermiserim. Sed quamdiu id possim, novit Dominus,